



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt III.

urn:nbn:de:hbz:466:1-11453

Dania Imperio submisisset, eamq; ab Imperatore imper-
trasset. Iniuriam verò maximam amuli Kanuto viro
iustissimo irrogauere. Talis enim & vixit & mortu-
us est Kanutus, vt miraculis in morte coruscans, inter
sanctos referretur: quod in Dania diximus, & attigi-
mus in Scandalia.

CAPVT III.

Holsatia per ea tempora moriente primo Adol-
pho, adolescentior eius filius, itidem Adolphus coe-
pit praeesse: Nam, quod praediximus, Hartungus maior
filius cecidit sub rege in expeditione Bohemica. Erat au-
tem is tum rerum status: Scagriam & omnem terram
Obotritorum, quae nunc dicitur Magnopolensium, tunc,
vt diximus, tenuit Kanutus, vir regij sanguinis, patre
natus Erico, qui in peregrinatione ad terram sanctam
Cypro moritur: quod in Dania diximus. Eam verò Scag-
riam illustrabat praedicatione vir Deo acceptissimus
Vicelinus, habitans cum fratribus in Faldera. Misit au-
tem praedicatores ex suis in veterem urbem Lubicam, in
loco qui nunc dicitur Zwartow: Ibi Henricus Godscal-
ci filius, ecclesiam extruxit in mote trans flumē Traue-
nā. Vicelinus autē cum Henrico percharus extitisset, adijt
filiū eius Zwenteploth redeuntē ex longinquis, foederisq;
paterni illū admonens, impetrauit, vt praedicatores ex-
cipere dignaretur in sua Lubica. Annuuit ille perbeni-
gnē: Misitq; fratres Ludolphus & Volcquardus, pradi-
cationi institere, & à mercatoribus humanissimè sunt
foti. Cum interea Rugiani hostes posterorum Hen-
rici, propter Imperium, quod in illos quoque propa-
gare contenderat, & nomen Christi, quod gentiles
oderant, in Lubicam veterem per mare duxerunt,
occisis omnibus quos repererant, sacerdotes effugabant.

Dandalorum autem principem, vnum ex Henrici filij,
 Holsatorum quidam peremit: nec diu superfuit illi fili-
 us, simili morte peremptus: & peruenit principatus, quod
 diximus, ad Kanutum: qui ecclesiam Lubicæ iussit ad-
 ornari: Sepiusq; inter Lubicam & Slesuicum diuer-
 satus, apud Falderam contubernio vsus est beati Viceli-
 ni. Sed non est datum illi terræ, vt diu tam bono princi-
 pe fruereetur. Interceptus enim insidijs Magni fratris pa-
 truelis occiditur, & mala multa consurgunt. Sed re-
 men ea fuit præstantissimi viri ducis Kanuti, immo vi-
 gis memoria, vt inter sanctos Dei illum referret eccle-
 sia. Imperator audita eius viri morte indoluit, quod Ro-
 mano Imperio ille & manu & consilio promptissimus vi-
 deretur. Ericus Kanuti frater, sciens quo in illum sus-
 set animo Imperator, misso nuncio auxilia rogauit, ad
 vindicandum necem fratris: Nec distulit Imperator,
 ducens in Slesuicum per Holsatiam, Adolphum secun-
 dum habens expeditionis commilitonem. Sed Nicolaus
 rex, Magnusq; filius, contractis & illi copijs obstitit,
 quo minus Imperator & Ericus exercitus suos commu-
 gerent. Prauenerunt etiam Imperatorem, paciscentes,
 vt Magnus Imperatoris esset satelles, & condigna mi-
 hilominus cædi impenderetur satisfactio: magni enim
 eris summa expromissa est. Sed quanta fuerit pactorum
 fides, inde emicuit, quod abeuntes Imperatoris extre-
 ma agmina Magnus laceßiuit, quæ Adolphus Holsa-
 tia comes duxit. Abeuntem Imperatorem Ericus exci-
 cratur, & quibus potuit viribus regi Dania collecta-
 tur: Exclusus regno, Slesuicum se contulit, mittens
 ad Adolphum Holsatum, vt armis expeditis illi oc-
 curreret, tuereturque à premente & obsidente Ma-
 gno.